

## Chindoto na Amaroro

Aramisi 7.7.2016

Obochenu ase Omotongi O Kare na Kare!

**CHINDOTO NA AMARORO**

na

**Jeanine SAUTRON**

**EKANISA YA FILADELFIA,**

**“ENTIGARI,”**

**eyio erendete AMACHIKO**

**a NYASAE, amo N’ESABATO YE**

**RITUKO RIA GATANO**

**NA KABERE, CHUMAMOSI,**

**NA OKWEGENA KWA YESO.**

**OKWEGENA KWA YESO,**

**NIGO KORE OMOIKA**

**BW’OBOBANI.**

Obochenu ase Omotongi O Kare na Kare!

**Chindoto na Amaroro**

**Egesieri 512-3, Oborori Namba 1**

<sup>(1)</sup> Ase *okomaanoka* kwa Yohana ase Okomaanoka 9, ebibungo 1 goika 3, “Omomalaika o gatato akabugia egetureri kiaye. Erio nkarora eng’enang’eni konya yagure korwa igoro gocha ase ense. Eng’enang’eni eria ekaegwa ekeigorero ki’egesima (gi’ekeronga) ki’eora. Na igo akaigora ekeronga ki’eora eria, na erioki rigasoka korua ase ekeronga keria buna erioki ri’eriko rinene, na erioba na embeo bikabekwa omosunte nerioki riria riarwete ase ekeronga keria. Ne **CHINGIGE** chigasoka korwa ase erioki

riria echio chiesiarerete igoro ase ense yonsi.” *Okomaanoka* 9:13,14,15.

<sup>(2)</sup> **Chingige** chikwaneire ase egetabu gi’*Okomaanoka* kia Yohana, Egesieri 9, ebibungo 1 goika 3, tichiri chingige chire buna amabururu. Tichiri chingige chiria chikoria obonyansi igoro ase ense.

<sup>(3)</sup> **Chingige** echi Yohana aroche, nigo chire ebintongwa ebing’aini bia Nyasae, echio chiaeirwe chinguru chi’ogokumia chi’ogosaria: ebikorero bikorwana chisegi.

<sup>(4)</sup> Ase oborori, inkarora ebitongwa ebiya mono bire kera aase. Tinabirogete, egekogera nigo biarenge ebitongwa bia Nyasae, bieire obong’aini obonene.

<sup>(5)</sup> Nigo biare gonsasokera na kong’ika ang’e, ekero eyemo yabo yansasokerete na egantebia, “Ninkomanyete; naye Jeanine.”

<sup>(6)</sup> Ingaichana ng’a egetongwa eke ekegeni nkemanyete.

<sup>(7)</sup> Egantebia, “Kwanyorire ekegwa ki’obobani.”

<sup>(8)</sup> Ngakumia mono korora obosio bw’omosacha, na etukia ekundekire buna ey’omokungu. Na nkanguseka netukia yaye eyio yabwate chirangi buna echi’omokubinyongo. — Nainyoire ng’a naroché omwochogano bwe chirangi echi ime y’ekeronga amo na Yeso — ase etukia yaye nigo abwate ekemanyererio [*ekemanyererio gi’ekeene*] kenga buna etahabu eyio yare komesa. Nigo yare nekieni ekiya ekero okoyerora.

<sup>(9)</sup> Egetongwa eke kia igoro kegansasokera. Ngasinywa konyegera bosio bw’omonwa oyo omonene, oyio kwasamete buna omonwa bw’esibwori (endo), na amaino anga buna amaino y’esibwori, ekogenda korwa asende.

<sup>(10)</sup> Ekero yagendererete kogenda gochia aare ase

oborori, ngakumia ng'a nigo yabwate ekemincha gi'ekeuge. Erio nario nachagete koba nobwoba ase egetongwa eke.

<sup>(11)</sup> Chingige nigo chiare ase chisupamaketi; nigo chiarengera kera aase, ase emechie emenene ya New York, Paris, na ase narengera ase oborori. Ngachimanya goetera ase ebimincha biabo bi'ebiuge.

<sup>(12)</sup> Okong'ika ang'e kwabo tigwantigete ntakumeti. Inkamanya ebitongwa ebi goetera ase ebimincha biabo bi'ebiuge kera ekona ye chinchera chi'emechie emenene. Korwa ekero gochia ekende nigo nare koumerana nekemo kiabo. Ekandigereria na egansasokera. Nigo chikonganya ase chitaya chimbariri ase emechie emenene na chiandenda ase ensemu y'ebara ye'emechie emenene ase chirori chikorwa ribaga abanto baratamboka ritang'ani erio chiamanya goeta.

<sup>(13)</sup> Omotomwa one agantebia, "Nchikomanyete. Nchimanyete ng'a Yeso ngonkwana are naye ase Chindoto na Amaroro; naende kobua mono, nchimanyete erieta riao, Jeanine, naende ng'a nigo gwachiete na Yeso korora egesima gi'ekeronga ki'eora, abwo ase chiarwete."

## Chindoto na Amaroro

### Egesieri 512-3, Oborori Namba 2

<sup>(1)</sup> Erio, ase oborori, nkarora eyemo ye *chingige* ekogenda korwa asende. Ngasinywa konyegera, ngakenda kendi: Inkamanya ng'a negetongwa kebware obosio bw'omosacha, etukia y'omokungu, korende tinakagerete korora bosio bwane amasini are moyo, y'ekioma buna etangi, ebware chimbaba chi'ekioma.

<sup>(2)</sup> Mbuya ngoteba, ng'a nigo yare amasini are moyo, anga buna ekemincha gi'ekioma, nechinsara kera ensemu; nabo ngoteba, etangi eroseiri ekioma kera aase, korende enga buna mosio okeuge.

<sup>(3)</sup> Chikaimokerera igoro chigaaka chimbaba bwango bwango; tichiarengera nomobere bwe chinyama, korende oyo bw'ekioma, na nigo chiare goaka chimbaba; nerigi ri'emebere yabo

nechimbaba chiabo rikagera nkarengereria igoro y'etangi ekona gosuka, egari y'omorero ere nechinguru ekona gosuka, eriogi riragwate amato.

<sup>(4)</sup> Inkarora, ekero chiarengera konyegeria ebimincha biabo, ense nigo yare gotengecha, kera egento giatengecha. Nigo enga buna omotengecho. Eriogi ribe mono ririto rigotengechia ense nigo rikogera amache are inse ase riroba asoka korwa inse.

<sup>(5)</sup> Inkairoka. Ase narengera, nkarora nga kera egento nigo kiarutire inse ime ye chisupamaketi, amaagacho nigo arengera konyegerigwa, na nkaigwa eriogi ritoereru ritari koigweka buya ringa buna esunami egocha.

<sup>(6)</sup> Kera egento nigo kiare kogwa inse bing'etanaine. Ebigoro bikanyegerigwa. Amache, ebindooche na emerindo bikarwa inse ase ense na korwa ase chikenye [*chinyasi chiaagachire ase chindooche goeta erio chiatanga amache tagotirimboka*] bigachakia chioora chimbe mono. Inkarora emianyeke.

<sup>(7)</sup> Inkarora **chingige** chire ase chirori chigotenenera abanto baraeta erio chiamanya goeta ase chinchera chi'emechie emenene, ase ebimanyereri bikorwa oborabu ase chirori chigoeta ime ya New York, chigochanda abaeti.

<sup>(8)</sup> Nigo chiarengera kera aase: Aase *abakori emeremo* barengera konyorera emesaara, ase ebirabu ase bagokorera chigosori. Nemerero egatongigwa igoro ase ense, egekogera ogoita gwonsi nigo kwarengera ase ebimincha biabo.

<sup>(9)</sup> Nigo chiarengera echikogokia nerio naende echi'okoirokia mono! Ebitongwa bi'ogokumia! Amasini are moyo korende abware eriogi buna ri'egari y'omorero ekogendigwa.

<sup>(10)</sup> Nkarora ng'a nigo chiarengera kera aase igoro ase ense, ime ya Boraya na ase chinse chia maiko. Omochando chiare korenta neyokoruta mwananyabanto ase emechando goetera ase:

- embura enyinge mono - Chitoigo
- Chisunami - Emetengecho
- Emerindo - Emerero

<sup>(11)</sup> Ase oborori, nigo nare gokora kera egento ndanyare erio nyetange korwa ase chire, korende tiyare konyarekana; kera engaki nigo chiare konyora naende.

<sup>(12)</sup> Nigo chire echikogokia: Igoro yabo nigo chibwate omobere o mwanabanto, inse nigo chibwate ekemincha gi'ekeuge, naende nigo chibwate amaboko anga chimbaba echio chigoaka ase ekerundi ki'ogokumia. Nigo yarengi nekieni ekiya ekeru ogokerora, egekogokia (ogwancha) naende eki'ogokumia!

<sup>(13)</sup> YESO akanyanchera nkarora ebitongwa ebi bire igoro ase ense. Nao bire aiga na nigo bigochanda abanto. Egetureri kia gatano nao kere ase egati ya mwanabanto, na nigo kegenderete gokora emeremo y'ogosaria.

<sup>(14)</sup> Chingige echi nigo chire aiga gochanda mwanabanto. Nigo ere endamwamu ya Nyasae igoro ase ense. Ebiatoko ebi bi'embura ne chioora nigo ere emeremo ye chingige, echio chigochanda Boraya ne chinsemu chinde chi'ense. Nigo chire kera aase; naende nonya nase egati y'abanto ba siasa, chikorusia omorembe korwa ase abamenyi b'ense. Boigo nao chire kera aase ime ye chinse chinde chi'ense. Nigo chigwesesia abasae, nabaria bagosangererekana ase okwegokia.

<sup>(15)</sup> Ebimincha biabo nechimbaba chiabo nigo bigosokia eriogi ririto rigotengechia ense erio rikogera chindooche chire inse ase riroba chiateka, chiagera chioora chimbe mono chiabao. Chindooche chinene chiaichora, namache ayaba igoro ase chindooche: Nigo ere emechando. Chinyomba nigo chire inse ase amache, naende ebinto ebinge biasirire nobogima bwa mwanabanto.

## Chindoto na Amaroro

### Egesieri 512-3, Oborori Namba 3

<sup>(1)</sup> Erioki rikorwa ase egesima ki'eora y'ekeronga nigo rigoita okororekana gw'ense, chibarabu, chinyoni, na kera egento kere ase **embeo**. Chifairus chikorenta amarwaire, amabe

akwambokera, ebiini, amoba are amabe mono, eyio nemeremo y'eora y'ekeronga. Nigo gekobeka esumo ase ense

<sup>(2)</sup> **CHINGIGE** nchibwate obokoreri bwabo. Emeremo yabo nogosaria emechie emenene na ebinyoro goetera ase chioora, emerindo nembura enyinge mono. Ogoita kwabo gwonsi kore ase ebimincha biabo.

<sup>(3)</sup> Inkarora ekegoro egeke kegocha inse asokonyegera kw'ebimincha biabo. Ensemu eyemo y'ekogoro eke ekairwa gochia inse mono, amo nechinyomba chiaagachire igoro ase kere; nemerindo y'amache nigo yare korwa ase egetunwa eke, buna omorindo bwe chimita ikomi na ibere, buna esunami, egokurura kera egento kere ase ogoeta. Kende tikeri giatigarete.

<sup>(4)</sup> Inkarora ogosarigwa. Ingasiria oborori bwa aase aya y'okoirokia mono.

<sup>(5)</sup> Chingige nigo chitengerete nakorigia ase chikongw'ania nebimincha biabo. Nigo chire kera aase ase gochanda mwanabanto.

<sup>(6)</sup> Kera aase ime ya Boraya nechinse chia maiko, chingige nigo chigokora obosaria obonene mono nebimincha biabo.

<sup>(7)</sup> Nigo chiasogete korwa ase egesima ki'eora ase ogocha gokora emeremo y'ogosaria. Tichigotiga abanyabibe banyore omorembe.

<sup>(8)</sup> Nigo ere endamwamu ya boronge ya Nyasae, egekogera Nyasae narente ebina biaye bia boronge igoro ase ense.

<sup>(9)</sup> **Na abachenu abwo babekeirwe ekemanyererio kia Nyasae, bobo bonde tibokobanyora. Chingige nigo chikobarenda korwa ase endamwamu ya Nyasae.**

<sup>(10)</sup> **Endamwamu ya Nyasae**

**nao ere igoro ase ense:**

<sup>(11)</sup> **“Onde tari oraminchorie!”**

**Baria banyorire**

**EKEMANYERERIO KIA NYASAEORE MOYO**

*nabwo boka batasirigwe.*

Jeanine Sautron